

四庫全書

史部

欽定四庫全書

史部

浙江通志卷二百三十六

詳校官給事中臣戴璐

檢討臣德生覆勘

總校官編修臣倉聖脉

校對官中書臣石鴻翥

謄錄監生臣包文訓

欽定四庫全書

浙江通志卷二百三十六

陵墓二

嘉興府

嘉興縣

周徐偃王墓

至元嘉禾志舊傳在縣西復禮鄉廣

輿記在府城西北

謹按韓愈偃王廟碑記偃王走彭城下民鑿石為室以祀偃王則墓當在彭城又曰王之走不之彭

城而之越城之隅棄玉几硯會稽水中今龍游有祠象山有廟而墓在嘉興未知何據存以俟考

周衛大夫墓 弘治嘉興府志在嘉興縣西南圖經

云衛大夫宏演墓也衛懿公為狄所滅食其肉唯

肝在地演剖己腹而納焉

張堯同衛墓詩惆悵黎陽客飄零浙水濱定忘

空腹恨知是赤心人

謹按漢書衛地在魏郡黎陽演墓何以在此黃濤賦馮李古蹟以為衛涇叔清之墓因和張堯同詩

云衛姓宣和後直臣多水濱前賢何所據詩弔納肝人其辨良允

吳相國伍員墓

弘治嘉興府志在胥山上

詳見祠祀嘉禾

百咏考碑語有石棧自錢塘抵禦兒之胥口凡十  
一字惜不得其全文又有磨劍石長二尺許劍痕  
在焉其巔相傳即子胥墓也徐春遊胥山詩伍員  
埋玉地千載闕煙霞草綠藏殘碣泉香漱落花海  
天歸老鶴林木怨啼鴉飛  
屨凌高頂愁雲入望賒

### 漢朱買臣墓

至元嘉禾志在縣東三里

萬歷嘉興府志東塔

講寺乃朱買臣故宅後有一邱相傳為買臣墓劉  
克莊朱買臣墓詩翁子平生最苦貧晚將丹頸博  
朱輪老儒五十無車綬歸去何妨且負薪方孝孺  
朱買臣墓詩五十年前只荷薪瘦妻渾不耐家貧  
會稽太守黃金印方信詩書不負人吳偉業朱買  
臣墓詩翁子窮經自不貧會稽連守拜為真是非  
難免三長史富貴徒誇一婦人小吏張湯看倨傲  
故交莊助歎沈淪行年五十功名晚何似空山長

負薪

謹按劉餗隋唐嘉話云東封之歲洛陽平鄉路北  
市東南得石銘漢丞相長史朱買臣墓又鳳陽府  
虹縣歸德府夏邑俱有買臣墓買臣為會稽太守  
西漢之會稽由拳其屬縣也則墓在嘉興為是又  
按梁元帝時有兩朱買臣一武昌  
太守一宣猛將軍或別有屬耳

漢呂氏榮塚 嘉興府圖記在由拳郭里墟北名吳

義婦塚

傳詳列女朱彝尊呂塚考半邈之南有呂塚相傳謂吳孱陵侯蒙塚也考吳志蒙卒

於公安史不言其葬處而盛宏之荊州記云長沙  
蒲圻縣有呂蒙塚則塚之在楚可信矣按漢末黃  
巾之亂史有許昇妻呂榮不辱於賊為所殺糜府  
君斂錢葬之嘉興南土人號義婦塚然則呂塚殆

呂榮之塚其音聲相近遂訛榮為蒙爾

晉劉伶墓 樵李詩繫在胥山下俗呼金伶墓蓋避

吳越王諱也

蘇軾劉伶墓詩將笑劉伶死便埋豈伊忘死未忘骸烏鳶奪得與螻蟻誰

信先生無此懷岳元聲劉伶墓詩鹿車一壺酒荷鍤以自隨云死即我埋曠達不可羈如何此墟曲有塚高累累刻石記道旁無乃好事為

齊施修琳墓 弘治嘉興府志在縣東二十里圖經

云齊長沙王府長史也

張堯同施修琳墓詩蒼苔侵壞道晚雀散空林莫問

人賢否浮生一古今

陳顧野王墓 嘉興府志補卽顧節墩在嘉興縣東

北十里

高啟顧野王墓詩南朝舊碑倒墓近  
樵蘇道應與讀書堆離離總荒草

謹按吳地記云顧野王墳在橫山東平陸地橫山  
又名據湖山在吳縣西南十六里則志補所載顧

墓未知  
何據

宋侍郎聞人鼎墓 嘉興縣志在德化鄉朱涇村鼎

建之弟以子安道貴贈刑部侍郎安道弟安遠以

子宏貴贈朝散大夫俱祔葬侍郎兆域

宋叅政婁機墓 明一統志在府城南五十里樓鑰



撰神道碑

傳詳  
名臣

宋嚴處士墓

馮李詩繫宋時賣藥秀州遂家焉墓

在蒯塢坊

元學士王景墓

舊浙江通志在王店市東

元經歷吳傑墓

弘治嘉興府志在縣東二十五里

傑字景良元人仕至廣州路總管府經歷趙孟貫

撰墓記

明少卿高巽志墓

舊嘉興府志在地字圩奚家橋

傳詳  
寓賢

謹按朱彝尊高太常普庵遺稿序云靖難師入自金川門太常少卿高巽志潔身去其官走永嘉山中窮餓以死其門人翰林侍書同里蔣兢斂而葬之芙蓉峯北野史所載盛庸兵敗自經者誤也則墓自在温州永嘉縣其在嘉興者當是衣冠葬處耳

明侍郎俞山墓 嘉興縣志在縣東南永豐都成字

圩 傳詳  
名臣

明布政黃懋墓 明一統志在府城東北二里北板

坊 傳詳  
名宦

明處士吳賢忠墓 舊浙江通志在嘉興縣春波坊

虹橋之東賢忠舊居於此卒葬焉為興國吳國倫

六世祖

吳國倫感祖墓在嘉興詩闕下仙班夢未  
回白頭相望遠登臺馬經芒部山烟過雁

帶昆明瘴雨來萬里論心天咫尺百年懷土  
日徘徊離離高塚虹橋畔猶是延陵旺氣開

明文淵閣學士諡文懿呂原墓 嘉興縣志在縣東

南長水都字圩

傳詳  
名臣

明少保俞綱墓 舊嘉興府志在五鶴涇綱字中立

官至太子少保南禮部左侍郎成化戊戌卒賜葬

於通濟門外禾山之陽正德初徙葬於此

明光祿卿陸崧墓 嘉興府志在胥山東諭祭葬

傳詳

名臣

明刑部尚書諡簡肅孫植墓 嘉興縣志在永豐都

麒麟壩明嘉靖間賜祭葬

傳詳名臣明神宗諭祭文惟爾賦性樸忠持身

廉介起身郎署洵陟部臺敬歷三十餘年清謹始終一節秋曹正席而南國騰聲晚歲懸車而邱園

益賁遽聞長逝良軫朕懷祭葬特頒靈其歆服

明兵部侍郎贈尚書徐必達墓 舊嘉興府志在感

化都石龍橋諭祭葬

明贈太僕寺卿譚昌言墓 嘉興縣志在白苧都一

陽字圩

傳詳循吏譚古總駕鸞湖擢歌市舶風橋  
五兩飄桑米太僕墓非遙黃腸華表千年

石長映雙  
溪百尺橋

明贈光祿寺卿王引昌墓 舊嘉興府志在新行鎮

傳詳  
忠臣

明贈太僕少卿徐世淳墓 嘉興縣志在感化七都

王字圩

傳詳  
忠臣

明董節婦王氏墓

嘉興府志王名桂芳夫卒自縊

死邑令洪範葬於鹽倉橋北嘉靖中佃為民居移

寔清真觀旁

傳詳列女

國朝

布政王庭墓

嘉興府志在王店鎮項家灣

傳詳文苑

禮部尚書杜臻墓

嘉興府志在縣東馬涇

傳詳名臣

康

熙年間

賜祭葬

內閣學士徐嘉炎墓 嘉興府志在新十二都荒字

圩

秀水縣

漢嚴忌墓 名勝志塚廟記云忌墓在治西北新城

鎮世稱嚴夫子墓

傳詳文苑

漢將軍嚴助墓 名勝志在天寧寺毘盧閣後俗名

嚴墩

傳詳文苑 舊嘉興府志墓有古樹大數尋枝葉皆西北向天將風雨輒作劍佩聲章士雅

嚴助墓詩言尋舊跡來山寺衰草離離識墓門太守樓船何日去將軍碣石到今存文章不共烟霞

散劍佩猶隨風雨翻古木千年向西北牛車遺恨未須論

宋沈演之墓 至元嘉禾志在望吳門外二十里詳傳

臣名

唐中書朱巨川墓 舊浙江通志在上蔡原之舊塋

北海李符銘墓

周都官墓 嘉禾百咏考在秀水治西北水中旱不

加高潦不加沒今尚存許恂如周都官水葬墓詩序周都官疑唐宋時人佚

其名墓對月波樓址在荷花池西水中用古水葬法也



吳越御史中丞聞人珪墓 嘉興縣志在阜城門外

竹橋之西珪汴梁人吳越王時賜鐵券居錢塘子

新周顯德四年徙嘉興

宋尚書聞人建墓 弘治嘉興府志在澄海門外五

里 嘉興縣志建天禧己未進士監秀州都監倉轉  
秘書丞以子安壽貴贈工部尚書初葬德化鄉

高豐雀墓村後改葬白苧鄉薛家兜桃花原鮑恂  
瑞芝墓頌序聞人尚書墓有芝出焉凡十二莖非

尚書公忠義之氣發揚於上則聞人  
氏之子孫必有以孝感而致之矣

宋施府君伯成墓 秀水縣志在思賢鄉地字圩靈

顯廟中伯成九歲為土神凡旱潦疾病有禱必應

互見祠祀墓有靈丹樹取葉煎服可治百病

宋知州趙叔近墓 秀水縣志在真如寺叔近悼元

王孫榮良公克類之子建炎丁未知秀州王淵誣  
殺之殞於寺中

元同知李復墓 弘治嘉興府志在縣南三里復字

希賢南陽人元員外郎後為嘉興路同知卒葬於

此

明兵部尚書贈太子太保諡襄毅項忠墓 嘉興府

志補在澄海門外五里

傳詳名臣沈邁項襄毅墓詩名臣竹帛重千秋故國

祠荒斷碣留襄鄧恩深猶說項平涼功著克安劉圖殘四壁侵蝌蚪氣壯山河映斗牛石獸苔斑餘

舊賜英風謏  
謏起松楸

明侍郎姚宏謨墓 秀水縣志在白苧鄉馬當涇贈

禮部尚書于祭葬

明工部尚書諡清惠丁賓墓 舊嘉興府志在正收

字圩萬厯間于祭葬

傳詳名臣計敬謁丁清惠公墓詩長別歸何處春陰此獨

尋六朝名世業三問老臣心入廟威儀在  
瞻碑涕淚深暮風號石獸松柏更森森

明大學士諡文恪朱國祚墓 秀水縣志在百花莊

傳詳名臣朱彝尊駕為湖榷歌百花莊口水云  
中是吾家太傅墳當暑黃鸝鳴灌木經冬紅葉映

斜曛

明詹事府少詹事陳懿典墓 秀水縣志在圓珠灘

傳詳  
文苑

明兵部侍郎岳元聲墓 秀水縣志在穆河溪  
傳詳名臣

明刑部侍郎贈尚書朱大啟墓 秀水縣志在縣西

北范灘

傳詳名臣張有譽撰墓誌予祭葬

明烈婦楊氏墓

嘉興府志在端平巷杉青道旁

詳傳

列女陳繼儒弔丁烈婦詩撮土雖新骨尚香行吟到此盡沾裳劍花血滅千年碧墓草陰扃六月霜正氣畫能驅魍魎清魂春不化鴛鴦道旁古塚纍纍者誰采溪蘋薦一觴

國朝

檢討朱彝尊墓

嘉興府志在百花莊朱文恪賜塋

之西南

傳詳文苑大學士陳廷敬撰墓誌

嘉善縣

宋餘杭主簿婁億墓 舊嘉興府志在胥山五都億  
叅知政事機曾祖也其地名婁墳

宋通判聞人宏墓 舊嘉興府志在遷南都奠亭山

傳詳  
文苑

宋節度使呂伯四墓 萬厯嘉善縣志在永七區荒  
字圩今預備倉後墓草止一種俗呼為一草墓

宋保義郎陶文幹墓 弘治嘉興府志在妙員山陶  
莊市後近為盜發得志石云宋淳熙十四年新監

鎮江府權貨務都茶場門陶達自為志葬其父文  
幹於此

宋揚州正將趙勲夫墓 正德嘉善縣志在永七都  
保義郎趙崇璽銘孫若誦祔

宋知吳縣卓友龍墓 正德嘉善縣志在遷五北區  
子黃巖州判官瑛祔

宋迪功郎陸瑀墓 正德嘉善縣志在奉四中區瑀

唐宣公之後嘉熙丁酉葬

舊嘉興府志子鄉進士  
端仁墓在水字圩孫三

司計正墓在大日字圩與瑪墓鼎足相望俗呼三角墳

宋陳坎正墓 正德嘉善縣志在永八北區坎正忠

肅公瓘之孫其子鑄為魏塘務副使遂占籍焉鑄

沒亦祔葬於此

元義士吳森墓 萬曆嘉善縣志在靈塔之北

傳詳寓賢

元隱士吳鎮墓 弘治嘉興府志在縣治東二百五

十步

傳詳隱逸舊嘉興府志魏塘東花園街之右鎮自題石曰梅花和尚之塔後吳令道昌修

其墓築僧舍於旁以司香火董其昌榜曰梅花庵墓側有橡林今廢黃魯德仲圭墓詩老子平生學



薊邱晚年筆法似湖州畫圖自寫梅花號荒草空  
存土一坏史鑑梅花道人墓詩問津武塘下攬衣  
獨吟行徘徊古道旁紫然見孤塋荆榛窳狐兔牧  
豎時來登橡樹半無枝曲池猶未平哀哉梅花庵  
一仆不復興空遺水墨蹤允為後世程生前徇名  
教豈樂浮屠名將非有深識季世多兵爭愚人信  
因果庶幾保其形同時富豪家厚葬侔山陵毀盜  
殆無餘遺骸縱復橫珠柙去已久蔓草來相縈何  
如一坏下晏然無震驚取重亮在人信非山水靈  
采蘋薦清醕日落風悲鳴遙遙望遐躅感歎有餘  
情沈周梅花道人墓詩梅花空有塔千載莫欺人  
草證誓光妙山遺北苑真短碑深刻字古橡未迴  
春欲弔誰為伴  
秋塘老白蘋

元萬戶陳景仁墓

正德嘉善縣志在縣東北一里

搗李詩繫元萬戶陳景仁闕有愛山亭雪月樓  
置書畫玩器亭榭凡七十二以延四方名士

元教授顧深墓 舊嘉興府志在奉四中區古賢里  
人呼顧淵白墳淵白深字也

元凌貞女墓 萬曆嘉善縣志在北亭坊

傳詳列女

明郁秀一墓 舊嘉興府志在北門外牛橋東秀一

字子英洪武中杭嘉機戶累民秀一叩閭言事為

罷織造

明僉事薛宗永墓 萬曆嘉善縣志在城東黃庵巷

此通衢左其妻節婦沈氏合葬邑令于業立石表之

明博士胡源海墓 嘉興府志補在縣東二里源海

為欽天監博士卒於京賜棺給衣令馳驛回葬此

孫詢胡博士墓詩讀書讀易在青年龜筮精通術最專象板幾隨仙仗立玉階長受聖恩宣能窮郤子先天理不用君平賣卜錢武水源頭遺恨在荒墳三尺草芊芊

明太守劉侃經歷張彥倫隱士袁祥墓 舊嘉興府

志宣德初築城凡民間塚悉令遷出唯留侃彥倫

祥三墓劉墓在梅花里半里張墓在學宮土山之  
右袁墓在東亭橋北西菖蒲涇後移葬姑蘇白楊  
山

明贈太常卿吏科給事諡忠節魏大中墓 嘉興府

志在胥五區雲字圩孝子學泖幼子學洙俱祔葬

傳詳  
忠臣

海鹽縣

晉何皇后陵 至元嘉禾志在縣南三里

宋武原志  
縣南一大

冢者老相傳為何后塚近地有名喪靈浦者湮塞久矣謂穆后歸葬聞此浦以通舟

謹按晉書何準女為穆帝后后諱法倪以名家應選昇平元年冊為后後祔葬穆帝永平陵則邑中所傳何后陵或即準父子塚而沿訛失實也

九母塚

未詳時代

至元嘉禾志在豐山石屋之東南

吳雙梓墓

舊浙江通志在海鹽縣

述異記吳黃龍中海鹽陸東美

妻朱氏有容止夫婦相重號比肩人妻卒東美不食死家人哀之乃合葬冢生梓樹同根二身相抱合一有雙鴻常宿其上孫權封其里曰比肩墓曰雙梓

吳海鹽令干瑩墓

嘉靖浙江通志在縣西南四十

里瑩吳散騎常侍寶之父瑩卒以幸婢殉後十年  
妻死合葬婢伏棺猶生此蓋近誕而舊志皆載之  
豈寶因撰搜神記故自神其說與

晉女兒墓 至元嘉禾志在六里山人侵犯之即有

毒蟲出焉

舊嘉興府志晉恭帝女  
封海鹽公主疑葬此

晉驃騎將軍蘇舉墓 弘治嘉興府志在金牛山北

唐劉源墓 樵李詩繫在海鹽縣南三里唐開成元

年葬此君諱源字文宗徙居海鹽隱居不仕

潘圖  
題劉

府君墓詞地號烏夜鄉名海鹽長松謁日青嶂連  
天南枕秦駐北抵武原東流滄海西接甘泉野霧  
蒼蒼寒郊茫茫倚  
歟芳馨俄遭夜霜

吳越右僕射朱行先墓 海鹽縣圖經在縣南十五

里

謝諤朱府君墓誌府君諱行先字蘊之吳郡人  
吳越王封佐正開國功臣加封右僕射仍委之

靜海劇鎮終於官舍享年七十有二娶汝南周氏  
隴西彭氏清河張氏子八人厝於德政鄉通福里

澈墅村  
之原

吳越將軍屠瓌智墓 舊嘉興府志在澈川青山之

德政鄉

傳詳忠臣皮光業屠將軍墓誌化光化三  
年調守湖州偕刺史高彥子渭抵賊壘矢

盡援絕為賊伏兵所害以衣冠歸葬享年五十有二娶錢氏子三長龍驤次昱次晟公嘗有詠志詩

曰輕身都是義徇主始為忠竟符其識銘曰河山毓瑞帶礪鍾英徒步奮跡赫聲濯靈么魔叛梗九

首憑凌磨牙王國吮血蒼生公怒颺發撻伐擊膺矢屠猥偷以身徇君功高盟府猷壯干城光啟前

烈垂裕後昆忠孝緝襲勲土褒旌連岡崇寔安綏義魂桓赴世選焜耀貞珉

宋端明殿學士吏部尚書常楫墓 常氏家譜在常

墳橋又國學進士常世卿諱全孫墓在呂塚

傳詳名臣

宋宣慰楊梓墓 澗水志宣慰墳有三所一在颺山

一在荆山一在吳家山其在吳家山者弘治間為



人所發夜入見以柏梁松柱鐵索懸棺金果五盤  
以一大魚麓滿裝之出天明視之皆土果也

明孝子沈壽康墓

嘉興府志在豐山下

傳詳孝友  
激水志孝

子墓久荒無知者正德末知府徐盈考郡志移  
丈邑宰廉訪其墓求其後給還之仍進祀鄉賢

明通政朱侃墓

舊嘉興府志在社稷壇後

明給事張寧墓

海鹽縣圖經在順寧橋南後墓荒

第天啟三年邑令樊維城下令禁樵採捐俸重葺

為文以祭

傳詳名臣張寧自撰墓碑海鹽潮汐浸  
淫土薄地濕不可以為坎為是表之以

碑陰之以壤樹家素貧薄夙承先訓每葬惟謹具  
衣衾棺槨男束木帶女戴漆冠約髮削黃楊木為  
簪喪儀用紙明器用木金銀珠玉一毫不附  
於體寧系出吳興身在老獨不可以不識

明刑部尚書贈太子太保諡端簡鄭曉墓 嘉興府

志在勾塍山山在璵城南

傳詳名臣明穆宗諭祭文卿以端潔之行閔敏

之才發解鄉闈擢秀甲第職兵曹則飭戎懋績任  
銓司則典選稱平官偶左遷名益奕起久敬歷於  
中外茂宣樹乎聲猷總務漕臺國儲允資以充裕  
魚撫淮甸夷氛世賴以蕩除少宰貳天曹丕著公  
清之譽中丞理戎政益蓄捷伐之威特晉秋卿克  
協明允倚任方切勤勞足嘉乃謝事以退休猶一  
德之不懈向將召用忽報長終式念往勛之多用  
頌恤典顧軫老成之逝爰贈官階既節惠以易名

仍賜葬而諭祭爾  
靈不昧尚克歆承

明太常卿錢徽墓

嘉興府志在澈川

傳詳名臣張時徽諱彤史

記忠白簡表異左臺右掖上聞丹宸帝曰嘉哉社稷之衛何以旌之奉常是貳何以恤之有司供祀

顯忠遂良泉臺攸庇

## 國朝

吏部侍郎彭孫適墓

嘉興府志在縣西南六里

傳詳

文苑

禮部尚書諡清恪陳誥墓

在半湖山

傳詳名臣

雍正二

年

賜祭葬

石門縣

吳越金吾將軍錢元弼墓 正德崇德志在洲錢市

元弼任秀州刺史官至金吾上將軍里人呼為將

軍墳

十國春秋元弼亦武肅王子也文穆王初置秀州以元弼為刺史

宋工部侍郎錢昱墓 弘治嘉興府志在洲錢市昱

字就之仕宋官至工部侍郎

宋史吳越世家忠獻王佐之子任秀州刺

史

宋陸氏懷墓 正德崇德志在縣北六里陸墳為弟

塚築室墓旁名之曰懷取孔懷之義

程瑛懷墓記  
大陸君淳厚

有賢稱於里黨教子以學卒收儒科小陸君英茂  
早登進士入仕蓬省出分州符有惠政及民今云  
亡而其兄愴之若是嘻若君之兄弟其不足為薄  
俗式耶其不助大君扶持世教耶君之若子若孫  
若雲仍其可不知家法所傳耶推之一國達之天  
下詔之後世而以陸氏為義門者君家子孫其勉  
之天下有兄弟者其則倣之觀風四  
方與夫載筆史其將必有以取之

宋傅貽先生輔廣墓 舊嘉興府志在西門外一里

傳詳  
儒林

宋吏部尚書陸德輿墓

弘治嘉興府志在縣西北

六里華表石獸尚存

宋莫氏五桂墓

舊浙江通志在莫墓村

弘治嘉興府志莫琮

子五人元忠若晦似之若拙  
若冲俱登科時比燕山五竇

宋端平殿學士諡清毅陳垣墓

嘉靖浙江通志在

五社村

傳詳  
寓賢

元教授朱鵬飛墓

正德崇德志在瓜宅村鵬飛字

行裕教授高郵

元學士張伯淳墓

明一統志在縣北十七里

傳詳文苑

李恕過張文穆公墓詩嵯峨荒土亂堆雲傳是前朝學士墳泉石清標存別業風流豪思見遺文竹

雞帶雨啼春草石獸和烟卧夕暎縱有枇杷生滿樹何人載酒弔吟魂

元蕭王穆墓

弘治嘉興府志在縣西十八里穆拜

尚書後封蕭王

元司丞陳漢墓

弘治嘉興府志在縣東北十三里

十二都漢仕元官司農寺丞

元提舉吳克明墓

正德崇德志在縣東十八里

元教授俞天民墓

弘治嘉興府志在縣東十里東

二都天民仕元任嘉興路儒學教授

明助教貝瓊墓

正德崇德志在語兒鄉

傳詳文苑

明大理寺丞朱逢吉墓

正德崇德志在永豐里

明太守姚文墓

正德崇德志在南津鄉官村文字

敏學宣德中知慶遠府移常州從祀鄉賢

明刑部尚書潘蕃墓

正德崇德志在石門鄉

傳詳名臣



明蔡烈婦墓

舊浙江通志在石門縣石鎮祠後

詳傳

女列

明費烈女墓

舊嘉興府志在北門外

傳詳列女

國朝

副都御史勞之辨墓

嘉興府志在縣東之辨字書

升康熙甲辰進士歷官至副都御史

平湖縣

天女墓

弘治嘉興府志在乍浦村按嘉禾志云人

有侵犯者輒有土蜂黑氣逼人

吳皇象墓 弘治嘉興府志在縣東南三十里高一

丈周迴四十五步象字休明吳廣陵江都人善隸  
書

陳顧安饒墓 天啟平湖縣志在縣東南三十里安

饒野王子仕至鴻臚卿

名勝志陳山有陳顧安饒墓周七十步

唐陸府君墓 括異志葬齊景鄉當湖市陸仕唐至

太子左贊善大夫其夫人汝南縣君周氏亦祔於

齊景鄉青墩里西北塋

唐陳環墓 天啟平湖縣志在雅山南二里有墓誌

不著作者姓名

唐故陳府君墓誌府君諱環潁川人祖父道清不求宦達君即清第

二子也幼著才識長閒規矩德言理行鄉閭所欽以會昌二年正月終於私第以八月寔於海鹽縣

東二十八里齊景鄉雅山南二里祖墳南娶顧氏子三人長曰遂次曰師損三曰公甫

宋魯壽寧墓 弘治嘉興府志在縣東南二百五十

步壽寧字景修宋宣教郎致仕累贈正議大夫

李

陽魯公古墓詩荒荒高原鬱鬱古墓誰其葬之侯姓魯君看佩銅帶繫青組有酒誰澆墓旁土彼獨

欽定四庫全書

浙江通志  
卷二百三十六

三十一

何人民亦何心嗟哉魯侯名至今沈懋嘉魯公古墓  
詩家家寒食各紛紛留得輕風上繡裙滿地紙錢

人不掃草花  
紅過魯家墳

宋魯文謚墓 天啟平湖縣志在縣東五里文謚字

子順壽寧孫官至司理郎

宋巡司陸啟楨墓 海鹽文獻志啟楨象山先生之

裔宋末任海上巡司墓在當湖鎮明宣德五年分

平湖縣建縣治墓遷於縣之西北隅

宋周貴一墓 天啟平湖縣志距魯壽寧墓西三十

步貴一宋碩儒講道武原子勝一仕元為提舉

宋進士陸能仁墓 天啟平湖縣志在鳳凰基北圩

咸淳進士以巴延兵至隱居三泖時稱高士墓

元靖獻先生陸正墓 嘉靖浙江通志在廣陳儒林

王昭大陸正墓碑至正三年二月十八日靖獻陸先生卒葬廣陳西北丹陽公墓五十步後十三年

乃為文勒碑於墓上先生身誣而道伸誣以徇志仲以濟時允哉哲人其體用具也已

元石總管墓 天啟平湖縣志在東泖石總管廟西

田者嘗探出碑版為學士歐陽原功筆

元賀傑墓 舊嘉興府志在縣治北元末為嘉興萬

戶值革命遁居當湖以終

明侍郎葉春墓 天啟平湖縣志在大易鄉

明武畧將軍施雷墓 天啟平湖縣志在豐亨門內

雷原秩十戶正德間以出貲助賑加都指揮使

明太子太保諡康僖屠勳墓 天啟平湖縣志在鄂

陽山仲子大叅應坤亦葬山之陰

傳詳名臣揚一清屠康僖墓銘

窮經學古士則宜然或滯於用匪才之全公少有  
志無書不讀視天下事皆在我腹既奮厥奇周旋

曹司析紛舉劄無試不宜引經折獄以儒飾吏發  
為詞章乃其餘事昔在孝宗賢俊彙征公名日起  
與位俱升建節東巡方畧圖上翼翼重關屹成巨  
障億萬畿民賴公底綏問其疾苦恤其寒饑入掌  
邦禁刑暴詰慝何出不宜何滯不達初服三事皇  
覽曰俞致君堯舜唯爾嘉謨祈天我志祥刑爾職  
慎爾三尺長我王國大姦竊柄毒流九圍公有先  
見不蹈危機少行老歸公不待老其身雖隱其德  
彌邵彼進而顛公退而安繫短較長公何憾  
焉公惠在人公名在史公澤在子其流無涖

明吏部尚書諡莊簡陸光祖墓

舊嘉興府志在縣

北十里

傳詳名臣張位陸莊簡墓銘顯允太宰履  
繩蹈準寧世寡諧無徑而窘墨綬強項尸

祝神君畫省抗章直道有聞精白不緇中立不倚  
旅進旅退一官如寄進掌邦治登良斥窳谷無白

駒庭有鷺羽清議自命口舌弄權大雅鎮浮倖門  
盡捐組綬澄清士林載色胡秦不交既通復塞猗  
嗟太宰猶龍矯矯其澤可希靡得而擾五十一載  
完節全名屹然鼎呂係世重輕慙冊褒綸榮名優  
備貞珉勒蹟  
千秋昭示

明兵部右侍郎陸長庚墓 平湖縣志在東湖西其

北即贈公陸珂陸文典墓

傳詳名臣

明國子司業沈懋孝墓 嘉興府志在石莊里

傳詳文苑

國朝

御史陸隴其墓 嘉興府志在泖上餘字圩

傳詳儒林



內閣學士陸萊墓 嘉興府志在聽字圩東湖之濱

傳詳  
文苑

金華府武義縣訓導張友直墓 嘉興府志在萋葭

園東十九都樓字圩

禮部侍郎諡文恪高士奇墓 嘉興府志在東門外

善字圩 傳詳  
文苑 康熙年間

賜祭葬

桐鄉縣

宋永嘉郡主墓

嘉興府志在父山下

宋尚書顏復墓

嘉興府志在陋巷村

傳詳  
寓賢

宋刑部尚書莫澤墓

嘉興府志在永新鄉土塔

廟北前有莫墳港

元浙東總管張子修墓

桐鄉縣志在石門鎮北

元國子祭酒榮公墓

嘉興府志在千金鄉屠甸

村

元宣義王璿墓

嘉興府志在梧桐鄉見喜村

元侍書學士吳琪墓 桐鄉縣志在募化鄉吳石村

元貞母阡 舊浙江通志在桐鄉縣玉溪鎮側徐一夔貞

母阡記貞母阡者昂上人之母禹氏所葬處也初張氏陷姑蘇江浙丞相檄苗獠以禦之時禹氏從

其夫吳避地石門亟告其夫具舟出避前隊已策馬至叱禹氏使勿避禹氏遂躍水死其夫倉卒葬

之鎮側而去未幾亦沒於兵上人無依為浮屠氏走京師以其母死事告於史氏遂得列傳乃還石

門治墓剪荆棘培土壤以固兆域將去里之長者曰昂師浮屠也吾黨宜思所以護之使不知者不

至踐且伐也乃本其母之行表之曰貞母阡云胡奎貞母阡詩石門山前箭如雨朝別良人暮為鬼

石門山下百尺泉一日身死名千年至今石門山下路烈婦人稱禹家墓墓前此日一僧歸猶是當

年十歲兒王豫貞母卅詩浩浩巴陵江虹光貫明月  
我我清風嶺壁色立積鐵石或有時泐水或有  
時竭卓哉韓王二節婦嚙指題詩跡不滅縱使字  
跡有時滅汗青不磨此貞節猗歟禹氏生嬋娟節  
與鐵石應同堅良人與子各離散母抱幼子身投  
淵哀哀危苦詞籲天天何言妾生何不辰薄命凋  
芳年妾臂可即斷妾身不可牽烏合羝跪彼何人  
我獨大義報所天指血倉卒不得書淚血直欲流  
成川明珠白璧委魚腹至今生氣猶凜然  
嗚呼丈夫秉節有如此身後千秋長不死

明西溪先生鮑恂墓 嘉興府圖記葬千金鄉

儒林傳詳

明僉都御史程本立墓 桐鄉縣志在梧桐鄉張蕩

傳詳  
忠臣

明遼府長史楊述墓 舊嘉興府志在濮陽鎮北靈

宿原子青江南按察司僉事祔葬

明韶州知府沈滎墓 桐鄉縣志在千金鄉觀谷村

明南寧知府趙讓墓 舊嘉興府志在永新鄉前朱

村 桐鄉縣志讓字元遜成化進士  
以刑部員外郎出守南寧府

明裨將霍宗道墓 舊嘉興府志在皂林鎮秀溪橋

東嘉靖中拒倭寇與將軍宗禮同戰沒葬此

明尚寶卿李樂墓 桐鄉縣志在青鎮北樂號臨川

隆慶戊辰進士歷尚寶司卿

傳詳介節

明操江沈蒸墓 桐鄉縣志在永新鄉蒸字華東萬

歷癸未進士歷陞江南督理操江

明副都御史錢夢得墓 嘉興府志在永新鄉甌山

夢得字國賢萬歷癸未進士累遷副都授江南巡

撫不赴歿賜祭葬

浙江通志卷二百三十六

欽定四庫全書

浙江通志卷二百三十七

陵墓三

湖州府

烏程縣

吳文帝明陵 崇禎烏程縣志在西陵山

吳志孫和傳皓追諡

父和曰文皇帝改葬明陵置園邑二百家令丞奉守吳興掌故烏程之西陵乃吳太子葬處郡城在其南故往往以陵陽名之許渾詩雲樹滿陵陽李涉詩陵陽夜晏仗君筵皆指此宋牟巖寓居城南

因名其詩曰陵陽集今人遂不知有陵陽之名何也

吳景帝鈕皇后陵

崇禎烏程縣志在弁山北見顏

魯公石柱記

朱彝尊石柱記說考吳志孫休止有朱夫人並無鈕后唯陳武帝后章要

兒本姓鈕永定元年正位中宮後諡宣太后祔葬萬安陵建康寶錄云萬安陵在縣東南古彭城驛側

然則鈕后之葬亦在金陵矣陳書章皇后父景明追封廣德縣侯母蘇拜安吉縣君合葬吳興竊疑

魯公所紀鈕皇后陵殆其父母墓爾

漢大司馬丘騰墓

萬歷湖州府志在縣西十八里

趙宋華表尚在

西吳里語漢光武初起義南陽歷公卿二千石累遷大司馬卒葬烏



程縣西崇禎烏程縣志騰父俊平帝時持節安撫  
江淮王莽亂遂留居烏程漢有兩邱騰其一順帝

時官九  
江太守

漢太尉施延墓 崇禎烏程縣志魏黃初中詔曰故

漢太尉施延等並立忠貞之節咸修清白之行邪

佞所讒禍及其身若有遺嗣宜顯舉之又令有司

繪像以祀縣西二十四里有延墓

傳詳  
寓賢

吳蕪湖侯太史慈墓 崇禎烏程縣志在法華寺東

之石塢一名石斗山

吳志本傳慈字子義東萊黃  
人孫策時拜折衝中郎將還

為建昌都尉  
治海昏卒

謹按顏真卿石柱記載有吳丹陽太守蕪湖侯太  
史慈墓然考洪容齋二筆云太史慈葬於新吳今  
洪都奉新縣也邑人立廟敬祀乾道中封靈惠侯  
則墓不在烏程明矣但真卿唐人所記不應無據  
依縣志存  
之以俟考

晉侍中羅含墓

崇禎烏程縣志見石柱記

晉書本  
傳含字

君章未陽人初為郡功曹轉州主簿屢遷廷尉長  
沙相致仕還家階庭忽蘭菊叢生人以為德行之  
感年七  
十七卒

晉黃門侍郎潘尼墓

太平寰宇記在縣東十里

晉書

本傳尼字正叔中年人歷黃門侍郎散騎常侍侍  
中秘書監永嘉中遷太常卿欲還鄉里卒於塢壁  
謹按羅含潘尼本傳及他書並無卜葬湖州之  
說然顏真卿樂史所書似非無據存以俟考

晉中大夫劉造墓 崇禎烏程縣志在西余山

西吳里語

僧道攷作壽藏乃得古冢冢家刻字云晉咸  
康間中大夫劉造并妻管氏同葬於此

宋晉陵太守丘傑墓 輿地碑目吳興丘氏墓碑在

烏程縣霅水鄉淋谷考傑劉宋時為晉陵太守烏

程人未成童時鄰人胡氏築牆侵其界傑夜移籬

退三尺胡氏慙亦退三尺遂成大路至今稱為丘

路卒葬於此

宋尚書右丞丘淵之墓 萬曆湖州府志在縣西北

十四里

傳詳文苑

齊車騎長史丘靈鞠墓 弘治湖州府志見顏真卿

石柱記今不詳所在

傳詳文苑

梁中書侍郎丘遲墓 輿地紀勝在雲水鄉淋谷元

和四年立墓碑

傳詳文苑能改齋漫錄沈太虛侍郎言昔湖州有人發古墓得碑乃

南朝邱遲其言遲乃左史邱明之後然則邱明竟不姓左耶韻會邱姓出吳興河南二望風俗通曰

魯左邱明之後稿簡贊筆亦云吳興邱墓一村之人皆姓邱有大碑刻其墓上稱左史邱明之後

梁司空康絢墓 崇禎烏程縣志在縣西北十三里

陳五兵尚書庾宗墓 烏程縣志在縣西北十四里

唐丞相李紳墓 輿地紀勝在裏山弘治湖州府志

在縣南三十里乾寧三年立墓碑

傳詳寓賢

唐南康尉沈亞之墓 崇禎烏程縣志在福山

傳詳文苑

杜牧弔沈下賢詩斯人清唱何人和草徑荒苔不可尋一夕小敷山下夢水如環珮月如襟

唐進士龔輅墓 吳興掌故在卞山南

杜牧龔進士墓誌會昌五

年十二月某自秋浦移守桐廬路由錢塘龔軫袖  
詩以進士名來謁舟中閱其詩有山水間淡之思  
後四年守吳興因與進士嚴憚言及鬼神事嚴生  
曰有進士龔軫去歲來此坐客館中若有二人名  
軫者軫命馬甚速如跨鞍馬驚墮地折左脛旬日  
卒予始了然憶錢塘見軫時徐徐如昨日因知尚  
殞於野乃命軍吏徐良改葬於卞山南去州城西  
北一十五里嚴生與軫善亦不知其鄉里源流故  
不得記大中五年  
辛未五月二日

宋天章閣待制胡瑗墓 明一統志在何山萬厯湖

州府志元至元中墓為廣化寺所侵踣其碑總管

郝鑑掘得所踣碑復其墓洪武中知縣孫成復加

封樹成化中知府岳璿勞鉞累加修建嘉靖四年

知府馮曾增置墓田西吳里語其子杭州察推志

康亦葬於旁

傳詳名宦年應龍湖州路總管郝侯祠記安定先生葬於湖州何山至元

間墓地忽為鄰僧所奪毀其瓦代其樹碎其碑以絕省掃之路郝侯始至慨然曰守土之職風化是

先賢之墓未復事有大於此乎會經界法行有土者皆得自實侯躬率屬官往諭以理僧知墓非

寺地始歸之遂命甃其墜域繚以垣墉揆日之吉偕同僚暨諸生行釋菜禮廉訪僉事薩勒迪默色書

安定文昭公之墓八字刻石置之塚上侯名鑿字子明盧龍人張羽復墓序洪武間遣吏度民田僧乘

計帳未定復詭墓為寺地四明孫侯成知縣事始發其隱復加封樹前建亭堂三間以祀神旁為屋

三間以樓守者上其事於朝詔下復宋元故事秩祀著為令湛若水胡安定先生墓田記嘉靖四年太守馮君曾始蒞湖郡乃考圖志誓於里正曰其墓在何山麓者其守墓之田若干畝在某里某里者其悉以白余爾所不白則有恒罰於是胡氏之裔孫聯芳者以墓田見侵之狀白於府府盡得其狀田盡復而墓可守中丞陳公鳳梧至郡躬謁其墓視亭堂之圯壞命新之乃并重封其墓而增祀焉

宋都官郎中張公墓 弘治湖州府志在卞山多寶

寺西

傳詳文苑湖錄陸振孫曰本朝有兩張先皆字子野其一博州人天聖三年進士歐陽公

為作墓誌其一天聖八年進士則湖州人也志俱作康定初進士



宋葉清臣母永安太君墓 吳興掌故清臣欲葬其

母夢有秀才來謁云松蒲落處即是穴翌日至弁

山倪塢適有松蒲墮其前遂卜地於此

宋進士知山陰縣陳舜俞墓 弘治湖州府志在蘇

灣傳詳循吏黃魯德陳賢良墓詩何水東流繞九

墩至今不解識真墳白牛曾踏風流路故老時

時說隱君陸道乾過陳舜俞墓詩溼上何人跨白

牛鷺飛鷗逐共優游春風短調梅花笛夜月高酣

瓠子甌一疏青苗天下計十年白簡史臣

留篁整舊跡存遺祀碧草黃雲古墓秋

宋宗正少卿姚舜仁墓 崇禎烏程縣志在趙村詳傳

儒林

宋崇信軍節度使葉夢得墓 吳興掌故在下山圓

證寺左

傳詳  
寓賢

宋直學士諡文端費若墓 嘉興歸安縣志在射村

鹿苑寺後

烏程縣志若字如川元符進士官直  
院學士充崇政殿說書紹興間賜葬

宋清河郡王張俊墓 烏程縣志在菁山石臺尚存

傳詳  
名宦

宋尚書左僕射沈該墓 弘治湖州府志在縣西三

十五里

宋尚書右僕射朱勝非母墓 崇禎烏程縣志在縣

西三十五里

西吳里語紹興三年四月二日朱勝非卜地於吳興華嚴山嘉會寺前葬

其母夜夢十騎入山衣服錦繡鞍馬鮮華回旋寺前以一馬繫於林中餘復馳去次夕又夢有衣冠之士容狀甚偉跣其二足入寺厲聲言我定地寺有寄居石大順秀才亦夢之因請於朝以嘉會為墳寺改崇因薦福塚前起敬堂以夢馬扁云

宋大學士陳與義墓 弘治湖州府志在廣德鄉上

強里禮部侍郎張嶠撰墓銘

傳詳寓賢

宋少保諡文定葛邲墓 崇禎烏程縣志在縣西南

五十里

傳詳名臣西吳里語  
烏程柵嶺有邲墓

宋寶文閣學士諡文節倪思墓 崇禎烏程縣志在

縣西北一十五里

傳詳  
名臣

謹按紹興志云思晚愛浙東山水徙  
家會稽墓在餘姚賀溪附錄俟考

宋司封員外郎張洵墓 吳興掌故在卞山洵字聖

休

宋刑部尚書程公許墓 萬厯湖州府志在縣南三

十六里

傳詳  
寓賢

宋端明殿學士高斯得墓

烏程縣志在西嶺

傳詳  
名宦

宋孝子曹清墓

崇禎烏程縣志在西陽村

傳詳  
孝友

宋資政殿學士牟子才墓

烏程縣志在菁山

傳詳  
寓賢

宋大理少卿牟燾墓

弘治湖州府志在三碑鄉九

里山趙子昂撰墓誌銘

宋直學士劉一止墓

萬厯湖州府志在澄靜鄉上

基山石柱猶存

傳詳  
名臣

元上元主簿牟應龍墓 崇禎烏程縣志在三碑鄉

傳詳儒林虞集隆山先生墓誌銘先生娶楊氏知邨武軍恪之女先十二年卒再娶程氏將作監繩翁之女男五人必遠必大必達必勝必昌女四人年七十有八泰定甲子五月乙酉葬於湖州烏程縣三碑鄉允山之原銘曰學孰為博寶藏有作運化參錯掇拾偏駁欺世之怍文孰為雄江漢之東浩浩不窮補葺彌縫嘻嘻麤工有餘而藏不足而張我懷先生豈私其鄉斯文有傳五世不誣銘以信之不其遠乎

明太常寺丞張羽墓 吳興掌故羽潯陽人居于戴

山東卒葬九里岡

傳詳  
寓賢

明工部尚書嚴震直墓 崇禎烏程縣志在西塞山

傳詳名臣嚴氏家乘先司空於壬午七月廿三日  
出都至九月十二日沒於山西澤州之館明年癸

未正月十九日歸葬襄事忠誠伯茹瑞撰神道碑  
可據並無在雲南遇建文君吞金而死之說他如

吾學編續藏書等所云  
樂不敢載九世孫祇辨

明都御史陸矩墓 烏程縣志在下菰城

傳詳  
武功

明刑部尚書諡莊懿閔珪墓 吳興掌故在金蓋山

傳詳  
名臣

明處士孫一元墓 吳興掌故在道場山歸雲菴之

東

傳詳寓賢謝肇淛弔孫太初墓詩路入歸雲一徑幽青山落日滿松楸老僧廢寺瓢猶挂詞客

荒墳草自秋九月空林聞蟋蟀百年殘碣上蝸牛共將盃酒澆千古腸斷滄江天際流

明工部尚書諡恭靖蔣瑤墓 崇禎烏程縣志在金

蓋山

傳詳名臣

明兵部侍郎陸穩墓 烏程縣志在汪家山

傳詳武功

明刑部主事唐樞墓 烏程縣志在妙喜寺陳村

傳詳

儒林

明工部尚書潘季馴墓 烏程縣志在三墩

傳詳名臣



明修撰韓敬墓

烏程縣志在仁王山

傳詳  
文苑

明徽州府推官溫璜墓

烏程縣志在道場山

傳詳  
忠臣

明大理寺卿謚忠介凌義渠墓

烏程縣志在驥村

北湖州知府吳綺捐俸買地

傳詳  
忠臣

明御史吳振纓墓

吳氏家譜在棲賢山楓樹嶺後

明知廣昌縣姚舜牧墓

烏程縣志在潘店之金斗

山

傳詳  
儒林

歸安縣

吳大將軍朱治墓

弘治湖州府志在縣南二十里

傳詳  
武功

吳當陽侯施績墓

萬厯湖州府志在縣南十六里

傳詳  
武功

吳九江太守姚渠墓

萬厯歸安縣志在縣南六十

里

吳蕩寇將軍程普墓

弘治湖州府志在縣東南十

九里

吳志本傳普字德謀右北平土垠人從孫堅  
征伐堅卒復隨孫策以功拜蕩寇中郎將領

零陵太守策卒與張昭等共輔  
孫權領江夏太守遷蕩寇將軍

謹按江西通志程普墓在瑞昌縣安泰  
鄉桂林橋西南舊志所載未知何據

宋南郡太守丘道護墓 名勝志在縣東南一十九

里

宋松陽令鈕涵墓 成化湖州府志在縣東十里

西吳

里語涵吳興人舉孝廉為松  
陽令蓋晉人而仕於宋者

青州刺史董知達墓 未詳時代 弘治湖州府志在縣南

六十里

宋秀安僖王子偁墓 弘治湖州府志在菁山

宋史新編

子偁居秀州高宗選子伯琮育宮中子偁累官左朝奉大夫致仕卒時伯琮為普安郡王解官持服既為太子加贈太師中書令封秀王諡安僖配張氏封王夫人光宗立始即湖州秀園立廟奉神主如濮事

宋嗣秀王諡憲靖伯圭墓 萬厯湖州府志在菁山

宋史新編孝宗兄伯圭字禹錫厯知台州明州有政績淳熙中自安德軍節度使充萬壽觀使又封滎陽郡王至少傅光宗遷至太保封嗣秀王後判大宗正事起拜太師寧宗詔贊拜不名卒追封崇

王諡憲靖

宋張文剛墓

吳興掌故在鳳凰山

王安石張常勝墓誌常勝烏程

縣人名文剛好學能文孝友順祥再舉進士不第年二十七卒熙寧六年二月五日葬於鳳凰山曾

祖任祖維贈刑部侍郎父先尚書都官郎中致仕君妻子從父妹也故君從子學

宋戶部侍郎趙與訔墓

弘治湖州府志在車蓋山

子昂父也子昂撰阡表今石柱猶存

西吳里語郡城南石柱頭

是也

宋資政殿學士牟子才墓

弘治湖州府志在菁山

端明殿學士高斯得撰墓銘

傳詳寓賢

元廉訪司僉事宇文公諒墓

弘治湖州府志在長

超山

傳詳  
儒林

明工部尚書溫祥卿墓

嘉靖長興縣志在仁王山

西北麓

傳詳  
寓賢

明長蘆運使嚴敬墓

歸安縣志在松亭鄉之三圩

于謙運使嚴敬行狀敬字克恭號如弦登永樂辛  
丑進士第由監察御史陞今官莅任之初夙弊盡

革未半載疾卒於  
官娶莊氏子四人

明大理寺卿陳恪墓

嘉靖歸安縣志在黃山

傳詳  
名臣

明御史陸崑墓

萬厯湖州府志在鄉林鄉

傳詳名臣

明僉事陸澄墓

嘉靖歸安縣志在樊澤

傳詳儒林

明贈兵部尚書諡恭靖沈子木墓

歸安縣志在縣

治南十六里區孔三圩之阡崇禎壬申賜葬

傳詳名臣

明廣西按察副使臧懋中墓

長興縣志在歸安縣

菁山

傳詳循吏

國朝

贈資政大夫兵部右侍郎吳鉞墓

在下沈山南麓

鉞字玉嗣性至孝親沒躬親負土營葬於此而自為宅兆於其側就寔日有羣鳥數萬集於墓上人謂孝感為建烏集亭長沙陳鵬年撰記

左贊善沈三曾墓 在歸安縣東林山麓

傳詳  
文苑

內閣學士沈涵墓 在歸安縣竹墩村

左都御史贈禮部尚書諡端恪沈近思墓 在縣南

埭溪傳詳  
名臣雍正六年

賜祭葬



長興縣

陳壽陵

萬曆湖州府志在下箬寺西陽烏山

湖州成化

府志齊太常卿陳道巨墓陳高祖之祖也後尊為陵陵西有小瀆曰石人淩以有石人仆其下故名

陳瑞陵

弘治湖州府志在縣西北五里陳高祖追

尊為景皇帝陵曰瑞陵

南史陳高祖紀追尊皇妣董太夫人曰安皇后

陳嘉陵

嘉靖長興縣志在縣北五里

南史陳高祖紀追尊前夫

人錢氏為昭皇后陵曰嘉陵

陳明陵

長興縣志在縣西北五里

萬曆湖州府志高祖兄道談任

梁為東宮值閣將軍侯景亂領弩手二千援臺城中流矢卒葬縣西北五里文帝即位尊為明陵

漢祠部郎錢敞墓 嘉靖長興縣志在雒山西南

漢高密太守錢咸墓 成化湖州府志在縣西五里

嘉靖長興縣志咸俗傳彭祖四十七代孫其山名織蓋山西吳里語墓柱題漢故旗門將軍高密太

守錢府君之神道

漢立節校尉海西侯徐鴻墓 萬曆湖州府志在縣

西二十五里

漢富春公錢讓墓 萬曆湖州府志在縣西五里  
長興

縣志讓字德高咸之孫順帝永和元年舉孝廉屢遷散騎常侍廣陵太守征東大將軍都督九江諸軍事徐兗二州刺史封富春公食邑五千戶卒諡曰哀

漢日南九江二郡太守徐禹墓 弘治湖州府志在

縣西五里

吳安東將軍徐盛墓 長興縣志在縣北五里

吳龍驤將軍錢瑞墓 舊浙江通志在縣北四里

吳大將軍錢廣墓 弘治湖州府志在縣西二里 嘉靖

長興縣志廣字敬仲  
大將軍江州刺史

晉太傅謝安墓 名勝志在三鷓村安初葬建康之

梅山後被發其裔孫夷吾為長城令遷葬於此亦

名九鷓岡子孫遂居焉

南史陳始興王叔陵傳生母彭氏卒叔陵啟求梅嶺

葬之乃發故太傅謝安舊墓棄去安柩以葬其母西吳里語安為吳興太守開城西官塘民獲其利

名曰謝公塘塘碑在謝公鄉宋移入墨妙亭又有謝太傅墓田碑楊維禎謝安墓詩我我晉征西實

為蒼生起居中未秉軸一麾出東紀相從釣褐兒異時折屐齒豈徒事漁樂太守廢邦治謝塘千載

功吾民藉生理遺德在龜石日久終或毀不如謝公鄉名守常在耳更訪三鷓岡桐鄉還在此

晉吏部尚書殷仲文墓 長興縣志在縣東三十二

里

宋尚書左僕射殷景仁墓 長興縣志在縣南五十

里

陳司徒南郡王休光墓 長興縣志在雉山 宏治湖

王諱休光陳高祖同母弟也封醴陵縣開國公領兵討侯景戰死太平二年贈侍中謚忠壯永定元

年贈司徒南郡王營墓於雉山

隋九女塚 萬厯湖州府志在縣西八里 成化湖州府志俗傳

隋煬帝時有媪生九女翁罵曰生女不生男死誰瘞我夫婦當實烏鳶腹矣後九女皆適大家感父

言鳩財以厚葬其父母後有發其墓者可絕而下見石屋一區壁間隱隱若有碑刻圖畫

唐吳興郡丞陸龜蒙墓 嘉靖長興縣志在陸匯或

云在花園街

傳詳寓賢

宋樞副莊緯墓 吳興掌故在浮雲山下

宋著作郎王蘋墓 嘉靖長興縣志在和平鎮茅栗

山之原見章憲墓誌銘

明大理少卿楊復墓 長興縣志在金蓮山

傳詳文苑

明湖廣按察使王瑄墓 長興縣志在菱山

傳詳循吏

明四川叅議韋商臣墓

長興縣志在西塘山

傳詳循吏

明河南按察副使臧繼芳墓

長興縣志在雙水潭

傳詳循吏

明黃州府同知韋厚墓

長興縣志在獅子山

傳詳介節

明知宿松縣姚岳墓

長興縣志在草茅塢

傳詳介節

明徵士吳琬墓

長興縣志在呂山

傳詳文苑

明禮部尚書閔如霖墓

長興縣志在水口山

傳詳文苑

明大學士諡文貞徐階墓

長興縣志在石城山階

字子昇南直華亭人

傳詳  
名宦

明工部尚書諡清惠劉麟墓

萬厯湖州府志在夏

駕山

傳詳  
寓賢

明刑部尚書顧應祥墓

長興縣志在靈山王世貞

誌其墓

傳詳  
名臣

明江西布政使徐中行墓

長興縣志在河泊所前

傳詳  
文苑

明尚寶司少卿丁元薦墓

長興縣志在陸匯今遷



篠浦即故別業之址

傳詳名臣

### 德清縣

漢述善侯沈戎墓 成化湖州府志在金鷲山

西吳里語

戎字威卿為光祿卿以九路從事說降劇賊尹良光武嘉其功封海昏侯不受既而避地於烏程之餘不鄉遂家焉卒葬於鄉之金鷲山葬時有金鷲飛集三鳴而去故以名山吳興志後漢善述侯沈戎於永平元年葬金鷲山童謠云金鷲鳴沈氏興代代出公卿山上有沈氏祖德碑記德清縣志沈氏祖德碑沈麟士製立之金鷲山忽有樹生其龜腹間盤旋夾持碑有所倚巖然不動踞慶樹碑

漢尚書令沈禮墓 萬厯湖州府志在金鷲山

漢荊州刺史沈彥墓 萬厯湖州府志在金鷺山

漢河間相沈景墓 天啟德清縣志在金鷺山 吳興統紀

沈氏先賢傳云沈戎子孫見史傳者一百五十八人三十八人有正傳一百二十人附傳宋梁陳間

皇后三人尚主者五人唐睿貞太后亦吳興人至今人物稱盛金鷺發祥地理果不爽乎

晉鎮國大將軍朱泗墓 德清縣志在朱墓村

晉餘不亭侯孔愉墓 弘治湖州府志在城山下 詳傳

名臣顏真卿石柱記愉墓在城山下廟後大塚碑甃半露愉所藏也古木數株堅如鍊石故老相傳

愉葬後龜銜窠樹種於此至今號通街樹

齊徵士沈麟士墓 天啟德清縣志在吳堯山之陽

顏真卿沈氏祖德碑陰記南齊徵士吳興沈君麟士郡人也蘊道德晦於邑之餘不溪家貧無資以織簾為業時人號為織簾先生精於禮傳嘗自訓詁宗人吏部郎中淵中書郎約累薦徵為著作郎高卧不起名重江表臨終遺教依皇甫元晏棺中貯孝經一卷穿壙三尺置棺平土不設几位四時席地元酒而奠子彝奉而行之吳郡陸惠曉張融皆為之誄徵士嘗制述祖德碑立於金鷲山之先塋年月遼遠風雨蠹蝕朽字殘文翳而莫分乾元中為盜火所襲碑首毀裂嵌然將墮過江二十葉孫御史中丞震移牒郡國請其封葺或屬兵凶曠而莫修忽有樸樹生於龜腹盤根抱趾聳餘矣碑嶷如工造鬱若神化敬者復正危而再堅夫德無名遇賢而鍾祥神無質假物以申應沈氏積行既

遠徵士植德彌深天將興舊族乎吾知沈之復大也權檢校宗事十九葉孫前太廟齋郎怡拜泣松櫟增修舊塋感先碑之隕覆懷遺文之殘闕乃具他石傳而貳焉以真卿江南婚姻之舊中外伯仲之穆謬忝邦刺見托斯文刊諸碑陰以傳不朽因名其樹為慶樹以旌其美沈氏之故事具於家牒今闕而不紀時有唐大厯戊午冬十二月也

齊中大夫朱安期墓 吳興掌故在新市鎮唐元和十年鍾斯滌請於刺史薛戎移覺海寺

梁隱侯沈約墓 太平寰宇記在縣東五十八里

詳傳

文苑輿地碑記沈約墓  
碑在荆門軍管通判家

陳領軍將軍沈恪墓 德清縣志在縣北十五里

傳詳

功武

宋寧海軍節度掌書記沈嚴墓 吳興掌故在大壯

嶺范仲淹撰墓誌銘

傳詳介節

宋贈龍圖閣直學士沈疇墓 德清縣志在縣東下

舍村

傳詳名臣

宋樞密院謚忠敏沈與求墓 吳興掌故在馬鞍山

傳詳名臣

宋同知樞密院謚簡肅沈復墓 德清縣志在縣西

赤岡 傳詳  
名臣

宋嗣秀王趙師禹墓 弘治湖州府志在玉岡 宋史  
新編

師禹官開府儀同三司襲  
封卒贈太傅和王謚端肅

宋翰林學士方淑墓 吳興掌故在司馬山 傳詳  
寓賢

宋兵部尚書沈介墓 吳興掌故在方山 德清縣志  
介字德和

以兵部尚書為荆湖制  
置使墓在縣西方山

宋兩浙漕運沈瑄墓 德清縣志在縣西淡竹塢 傳詳

循吏

宋大理丞何彥猷墓 天啟德清縣志在縣西官莊

山

宋丞相謚清獻游似墓 弘治湖州府志在新市鎮

傳詳  
寓賢

宋吏部尚書吳璞墓 天啟德清縣志丞相吳潛子

葬張家山其長子侍中寶謙次子轉運使寶禮俱

葬此山之麓璞字禹珉號覺軒淳祐四年進士寶

祐六年吏部尚書

元魏國公謚文敏趙孟頫墓

弘治湖州府志在縣

東北二十七里西吳里語孟頫墓在縣東衡山

詳傳

文苑萬曆湖州府志子學士雍墓在德清縣西北

明僉事陳霆墓

天啟德清縣志在吳興蕩西岸寺

後圩霆字水南宏治末任刑科給事中  
正德二年

劉瑾撫其罪下錦衣衛獄杖三十瑾誅僉山西督

學致仕歸隱居渚山卒



明知順德縣胡友信墓 德清縣志葬吳羌山之陰

傳詳  
循吏

國朝

禮部尚書蔡升元墓 在縣西三里 傳詳  
文苑 雍正元年

賜祭葬

武康縣

漢刺史姚恢墓 太平寰宇記在石城山上 姓氏書  
王莽封

田豐奉舜祀豐子恢  
避莽亂過江居吳興

漢尚書左僕射姚皓墓 名勝志在石城山上

吳太常卿姚信墓 西吳里語在石城山 傳詳儒林  
姓氏書姚

氏出於虞帝生姚墟以地為氏漢有青州刺史恢  
尚書左僕射皓吳有太常卿信晉有九江太守渠

墓皆在郡境碑碣尚存則姚氏  
之居吳興也久故望出吳興

謹按阮考緒云信字元直吳興人陸德明  
云信字德祐未審孰是拈出以俟參考

吳司徒丁固墓 太平寰宇記在縣東十五里固山

陰人嘗夢松生腹上謂人曰松字十八公後果為

司徒 西吳里語武康丁  
墓村有漢丁固墓

晉吏部尚書沈嘉墓

吳興志在鳳凰山

石柱記箋釋嘉字長

茂武康人善草書仕晉為吳興太守重開荻塘人獲其利歷吏部尚書卒

晉車騎將軍沈充墓

武康縣志在縣北三十里上

費村

晉東陽太守沈勁墓

吳興志在小山子赤黔村

詳傳

忠臣

晉益州刺史沈叔任墓

武康縣志在縣東南三十

里禺山

傳詳武功

宋吏部尚書諡貞侯沈演之墓 武康縣志在小山

傳詳  
名臣

宋司徒左長史沈子春墓 舊浙江通志在陽山

陳尚書左丞沈不害墓 弘治湖州府志在縣北三

十里 傳詳  
儒林

陳吏部尚書姚察墓 弘治湖州府志在縣南其父

僧垣墓亦在焉 傳詳  
丈苑

謹按南史本傳察在陳歷度支吏部二尚書隋仁壽二年除員外散騎常侍大業二年終於東都遺

命薄葬以松板薄棺纔可容身上周於棺而已葬  
日止鹿車送厝舊塋北吳興志載其墓在此未知

何據存  
以俟考

宋和王楊存中墓 吳興掌故在禺山

傳詳  
名宦

宋鄂岳安撫使成無玷墓 吳興掌故在縣東煙霞

塢傳詳  
武功

元泰州同知張復亨墓 武康縣志在岑嶺後

傳詳  
文苑

明刑部郎中沈彬墓 武康縣志在秀巘山祖塋彬

字原質壬戌進士

安吉州

吳校尉朱紀墓

弘治湖州府志在治南五里

吳志朱治

傳治子才嗣父爵遷偏將軍才弟紀權以策女妻之亦以校尉領兵

吳黃門侍郎萬先墓

舊浙江通志在定福鄉

晉中蠲侯施彬墓

成化湖州府志在梅溪鎮

西吳語

彬吳興安吉人歷信安義興二郡太守官至征西大將軍尚書左丞大興初以征討有功封中蠲侯食邑本縣上表請安吉住宅傍地無主者為修餼上許之謚明葬其地晉史作斌

吳越王妃許夫人墓

安吉州志在銅山鄉鳳凰山

宋開國侯施鉅墓 萬厯湖州府志在荆子山

傳詳介節

宋贈太傅澧王諡恭惠趙師揆墓 弘治湖州府志

在邸閣山

宋史新編字元輔歷陞節度使檢校太保開府儀同三司充萬壽觀使襲封卒

贈太傅澧王諡恭惠

宋衛尉卿莫君陳墓 安吉州志在順安鄉青峴山

傳詳儒林

宋虔州太守魯伯能墓 安吉州志在西北山

傳詳文苑

宋安吉縣開國男沈樞墓 安吉州志在順安鄉石

虎山

傳詳  
名臣

宋錢塘令朱蹕墓

安吉州志在安福鄉即灣里

傳詳

忠  
臣

宋知明州程大昌墓

名勝志在安福鄉

傳詳  
名宦

宋兵部尚書端明制置使陳存墓

安吉州志古桃

志曰在銅山鄉張梅村今呼梅村在鳳亭銅山之

間

傳詳  
忠臣

元秘書少監凌時中墓

弘治湖州府志在安吉東



二十里

安吉州志時中宇德庸元將巴延命招諭德清諸邑民賴保全官至秘書少監

明主事郎理烈婦沙氏合葬墓 舊浙江通志在鳳

亭鄉

傳詳列女

安吉州志明洪武中賜祭馳驛歸葬

明都督同知陳翼墓

安吉州志在荆溪鄉

傳詳武功

明吏部郎中俞謙墓 安吉州志在順安鄉青峴橋

東

明國子博士臧懋循墓 長興縣志在安吉州紫梅

溪馬家山

傳詳丈苑

明陳節婦都氏墓 吳興掌故在平目山子良謨舉

進士仕至兵部尚書王廷相為墓表

傳詳列女

孝豐縣

商大夫老彭墓 弘治湖州府志在廣苔鄉彭宅里

成化間知縣濟南史蘭重修墓道享亭

名勝志墓有薤林其

薤春時不種而生秋不收而枯或以刀鎌犯之輒有暴風疾雨人不敢近伍餘福老彭墓銘昔也薤林今也狐穴肇自商周彭傳孔竊述作何憑大戴則揭爵於而朝墓於而浙不見異人空聞異說六月社兒寒以送恻何經何怪天機恐洩誰謂猖狂惟身有節誰謂妖孽鍾靈有烈厥廟維對八貢九

折負陰抱陽堂封者崑下有龜蛇上有日月我表  
其阡如垂斯絕海桑幾更文或非滅嘉靖癸巳夏  
五月  
立石

漢驃騎將軍萬豪墓 弘治湖州府志在縣西北一

十里魚池鄉

吳丞相都亭侯萬彧墓 弘治湖州府志在太平鄉

西吳里語萬彧為烏程令與孫皓相善稱皓才識  
明斷是長沙桓王之儔也言之濮陽興張布興與  
布說孫休妃朱氏遂立  
皓萬彧後至丞相賜死

晉安成王郎中莫堅墓 湖州府志在魚池鄉

宋監文思院朱吉甫墓 孝豐縣志在移風鄉六部

山文及翁宋朱吉甫墓碑記吉甫字邦憲祖應祥官朝請大夫父爚隱德勿耀吉甫歷汀州軍事

推官監行在文思院一夕儵然而逝若羽化者年六十有一誥授通直郎娶王氏繼漏氏子一頴達

太平州節制司幹辦公事葬於安吉縣移風鄉六部之原銘曰煌煌天京翼翼文思玉佩來遊金鑰

是司到五雲班僅一跬步胡為倏然齋志以逝有書滿堂有子傳家夙負雋聲蔚為國華千載佳城

既安且吉勒此銘章垂於罔極

明都御史吳維嶽墓 湖州府志在縣西傳詳武功

寧波府

鄞縣

漢董孝子母墓 至正四明續志在縣南城門外鄞縣

志董孝子黠母墓自勾章反葬於鄞孝子墓實祔側焉董氏家乘載孝子墓介鄞慈之黃楊畧者誤明嘉靖癸丑郡守孫宏軾修築之以淑德夫人墓題碑

宋鄞縣令金翊墓 舊浙江通志在桃源鄉布金寺  
建隆間為鄞令多惠政卒於官

宋王致墓 鄞縣志在桃源鄉鳳棲山即今之鳳畧

山也王荆公為鄞令時撰墓誌銘

傳詳儒林

宋禮部尚書諡清敏豐稷墓 嘉靖寧波府志在環

村 傳詳  
名臣

宋寶文閣學士知明州仇愈墓 鄞縣志在縣東南

東錢湖之上水 傳詳  
名宦

宋朝議大夫薛唐墓 鄞縣志在長春門外山川壇

左

宋知衡州薛朋龜墓 嘉靖寧波府志在縣西南十

五里 傳詳  
循吏

宋贈太師史詔墓

嘉靖寧波府志在綠野壘

成化四明

郡志詔字升之鄞人大觀二年詔舉八行不就稱八行先生後贈太師越國公

宋敷文閣待制張邵墓

成化四明郡志在陸壘山

弟提舉鄭祔

傳詳寓賢

宋忠定越王史浩墓

鄞縣志在金家嶼樓鑰為墓

誌銘

傳詳名臣

宋叅知政事贈太師諡清敏樓鑰墓

至正四明續

志在天井山

傳詳名臣

宋贈直華文閣諡端憲沈煥墓 至正四明續志在

翔鳳鄉象坎山

傳詳  
儒林

宋贈龍圖閣學士袁燮墓 至正四明續志在穆公

嶺

傳詳  
儒林

宋太傅趙希言墓 嘉靖寧波府志在明堂巖白雲

山

宋奉化郡王諡清敏趙與權墓 鄞縣志在同谷山

傳詳  
名臣



宋守興化軍樓昉墓 成化四明郡志在闕水山

傳詳

文苑

宋兵部尚書諡正肅袁甫墓 鄞縣志在綠野壘

傳詳

名臣

宋尚書余天任墓 嘉靖寧波府志在青山憲敏公

高閱文懿公陳居仁二墓俱在焉

宋吏部尚書王應麟墓 嘉靖寧波府志在同谷山

傳詳  
儒林

宋秘閣張即之墓

成化四明郡志在塘舉山

鄞縣志即

之字溫夫孝伯子以恩官大中大夫封歷陽縣開國子壽八十一卒

宋進士袁鏞墓

鄞縣志在董舉山

傳詳忠臣

元侍講學士袁栢墓

鄞縣志在橫舉山蘇天爵為

誌銘

傳詳文苑柳貫謁袁公墓詩十年清酒繇不到文清墓遙遙許劍心夢寐傷遲暮千里來

東州九仞靡旅運諒哉生芻束耿耿復誰語空懷郭林宗不見王文度山風吹空林更絕重湖步

元翰林袁士元墓

成化四明郡志在楊舉山子太

常寺丞珙祔

傳詳文苑

元教授程端禮墓

鄞縣志在陽堂鄉陶畝

傳詳儒林黃晉

程先生墓銘大道孔夷聖賢同趨政龐俗裂裂師異指殊真儒有作乃發其節先生之傳遠有端緒左規右矩蹈夫大中居之以寬休休有容道之將行夫豈勿仕委蛇進退時行時止志局於位厥施未豐惟其教思垂於無窮門人謁祠論撰遺德昇於方來永有矜式

明南京刑部侍郎俞士吉墓

成化四明郡志在武

陵山賜祭葬

傳詳名臣

明都御史張楷墓

嘉靖寧波府志在蔡家山

傳詳名臣

明吏部尚書屠滂墓

成化四明郡志在乳泉山

傳詳

名臣

明吏部右侍郎楊守陳墓 嘉靖寧波府志在光同

鄉仲夏里仲夏山之陽鄞縣志大司空楊守隨南

冢宰楊守陞墓俱在仲夏里芝山之陽

傳詳名臣

明禮部侍郎李堂墓 嘉靖寧波府志在清道鄉

明廣西副使錢奩墓 寧波府志在縣東五十里鳳

下溪

傳詳循吏

明學士豐熙墓 嘉靖寧波府志在北山

傳詳名臣

明副都御史朱瑄墓 寧波府志在縣西三十里烏

金碑

傳詳  
名臣

明刑部侍郎楊茂元墓 寧波府志在縣西五十里

光同鄉仲夏里吳家斗之陽

傳詳  
名臣

明贈太子太保諡文定南京兵部尚書張邦奇墓

舊浙江通志在金溪山勅葬

傳詳  
儒林

明吏部尚書諡莊簡聞淵墓 鄞縣志在縣南二十

里

傳詳  
名臣

明少保屠僑墓 嘉靖寧波府志在蔡家塹勅葬傳詳

名臣

明兵部侍郎屠大山墓 寧波府志在縣西江北傳詳

武功

明兵部侍郎黃宗明墓 嘉靖寧波府志在縣西四

十里桃源鄉資壽山傳詳

儒林

明都御史陸鈞墓 嘉靖寧波府志在潘輿山傳詳

名臣

明都御史戴鱉墓 鄞縣志在鹿山傳詳

名臣

明南京兵部尚書張時徹墓 鄞縣志在桃源鄉張

家岸

傳詳  
文苑

明僉事陳束墓 舊浙江通志在姚黃埕

傳詳  
文苑

明大學士諡文敏余有丁墓 鄞縣志在錢湖隱學

山後遷南郊之馮家灣有丁字丙仲嘉靖壬戌殿

試第三人少傅兼太子太傅建極殿大學士賜祭

葬

明太子太傅諡莊簡工部尚書王佐墓 舊浙江通

志在桃橋

傳詳  
名臣

明兵部右侍郎李樗墓

鄞縣志在丁灣

傳詳  
武功

明御史諡恭潔陳良謨墓

鄞縣志在看經寺之南

傳詳  
忠臣

明都督萬邦孚墓

舊浙江通志在管家岸

傳詳  
武功

明副都御史高斗樞墓

鄞縣志在縣西十里

傳詳  
武功

明行人謝于宣墓

鄞縣志在縣西南夜影巖

傳詳  
忠臣

國朝



御史胡文學墓 鄞縣志在陸家畧山順治壬辰進

士官御史

禮部左侍郎史大成墓 鄞縣志在縣十一都名傳詳

大理卿陳紫芝墓 在千丈涇

慈谿縣

漢黃綺墓 成化四明郡志在覆船山又名黃墓山

慈谿縣志按綺本姓黃氏王元之在汝州詩云未必頭如樗里子也應頭似夏黃公畢文簡公議之以為不當云夏黃公杜子美詩云黃綺終辭漢南史阮孝緒云漢道方盛黃綺無間山林是黃為姓

明矣王貢傳叙當讀為綺里季夏後人以夏字屬  
下句讀為夏黃公者亦猶樂正裘牧仲之誤耳此  
墓自故老相傳但云黃墓而  
不云夏黃公墓其言尤信

漢揚州從事王修墓 至正四明續志在縣西十里

嘉靖寧波府志修慈谿人  
漢順帝時官揚州從事

晉伏波將軍虞瑤墓 延祐四明志在玉馬山

晉散騎常侍虞胄墓 延祐四明志在橫山

晉太學博士虞喜墓 宋圖經在檀洲山

傳詳  
儒林

晉東海太守虞野人墓 延祐四明志在戊溪山

宋刺史朱夔墓 延祐四明志在朱墓山夔字秀整

吳人也歷台州刺史卜居此山因葬焉

梁侍中虞荔墓 至正四明續志在鳴鶴山

傳詳孝友

梁散騎常侍虞孜墓 延祐四明志在東澄山

梁建威將軍虞鷺墓 嘉靖寧波府志在漁溪山

隋金紫光祿大夫陳詠墓 延祐四明志在城門山

詠字休寧仕為懷安令遷城門校尉會稽從事屬

隋初多故因留葬此遂以名山

唐袁州司馬張叙墓 嘉靖寧波府志在虎脾山孝

子無擇祔

天啟慈谿縣志墓久為人佔宋德祐元年其後人雲言於官復之元代累命有

司致祭至  
今得不廢

吳越尚書馮叔和墓 嘉靖寧波府志在長溪嶺灣

宋杜醇墓 至正四明續志在大隱山大隱先生王

適墓亦在焉

傳詳  
儒林

宋敷文閣待制汪大猷墓 寧波府志在縣南三十

里與杜醇墓相近

傳詳  
名臣

宋中書校正王廷秀墓 嘉靖寧波府志在相山石

坡先生桂萬榮墓亦在焉

宋孝子孫之翰墓 嘉靖寧波府志在五磊山

傳詳孝友

宋大中大夫楊簡墓 至正四明續志在車廡山

傳詳

儒林

宋國子司業羅仲舒墓 寧波府志在縣西三十里

劉魯

傳詳循吏

宋工部侍郎諡文靖張處墓 至正四明續志在觀

音寺墓

傳詳  
儒林

宋越國公袁韶墓

嘉靖寧波府志在杜湖山雙峯

之麓

傳詳  
名臣

宋禮部侍郎孫夢觀墓

天啟慈谿縣志在郎家平

傳詳  
名臣

宋提舉黃震墓

嘉靖寧波府志在杜湖山

傳詳  
儒林

宋孝子方昌墓

成化四明郡志在鳴鶴山

宋神童姚端禮墓

嘉靖寧波府志在孔家山

宋主管崇禧觀劉厚南墓 寧波府志在縣東北四

里

傳詳循吏

宋知撫州程士龍墓 寧波府志在縣西北十里郭

畧

傳詳循吏

明晉府長史桂彥良墓 天啟慈谿縣志在董家畧

傳詳儒林

明知獻縣諡惠莊向朴墓 寧波府志在縣東五里

陽嘉山

傳詳忠臣

明祭酒陳敬宗墓

嘉靖寧波府志在花嶼湖東

詳傳

儒林

明刑部主事張塘墓

寧波府志在縣北十里鄮山

傳詳忠臣

明禮部員外郎馮涇墓

寧波府志在縣西北二十

里東壘

傳詳忠臣

明工部尚書王來墓

寧波府志在縣西五里豐灣

東麓

傳詳名臣



明都御史王綸墓 天啟慈谿縣志在上畧

明都御史王純墓 寧波府志在縣北十里夏家畧

傳詳  
名臣

明貴州巡撫魏英墓 寧波府志在縣西二十里施

畧青陽山 傳詳  
武功

明應天府尹孫懋墓 寧波府志在縣東嶺後丘家

山 傳詳  
名臣

明江西巡撫諡忠烈孫燧墓 餘姚縣志在慈谿龍

山

傳詳忠臣

明尚書姚鏌墓 嘉靖寧波府志在上嶼東舉高嶺

原

傳詳武功明世宗諭葬文卿高年宿望歷事累朝出入頻煩始終一致迺生賢子為國儒臣垂裕後昆實留餘慶茲當寔寔追念往勞諭祭再頌用昭卹典九原不寐尚克欽承

明都御史沈教墓 寧波府志在縣西北五里石刺

嶺應家嶼

傳詳名臣

明侍讀學士姚涑墓 嘉靖寧波府志在上嶼西舉

傳詳名臣

明少師諡文榮袁煒墓 舊浙江通志在三峯山

列朝

詩集煒字懋中嘉靖戊戌會元廷試第三人歷編修侍講擢侍講學士禮部右侍郎晉宮保禮部尚

書勅加少傅兼太子太傅建極殿大學士予告卒贈少師諡文榮

明刑部尚書馮岳墓 寧波府志在縣東十五里夏

家舉

傳詳名臣

明太常卿姜應麟墓 寧波府志在縣東十五里夏

畧花盆山

傳詳名臣

明太常卿馮若愚墓 寧波府志在縣西二十里黃

童尖

傳詳循吏

明少詹事楊守勤墓

天啟慈谿縣志在覺林寺側

明僉都御史馮元颺墓

舊浙江通志在小隱山傳詳

臣名

明兵部尚書馮元颺墓

舊浙江通志在王界嶺傳詳

臣名

明知馮陵縣劉振之墓

寧波府志在縣東三里上

午譽

傳詳忠臣

國朝

翰林院編修姜宸英墓

在縣北十五里花盆山

詳傳

文苑

奉化縣

周計然塚

嘉靖寧波府志在計然村

傳詳  
名宦

唐朝散大夫王知蘊墓

嘉靖寧波府志在松林鄉

泉之原

唐銀青光祿大夫王敬玘墓

延祐四明志在萬竹

嶼有人耕其旁得小方碑載敬圮出自琅琊官於  
明州天祐二年歿葬於此

唐司勳員外郎阮詵墓 嘉靖寧波府志在奉化鄉  
建城里南山東原

唐御史中丞杜勝墓 嘉靖寧波府志在日嶺山

吳越奉國軍節度使錢億墓 延祐四明志在北山

億字延世吳越王大弟漢乾祐二年判四明諸軍

事宋乾德五年薨崔仁冀奉制銘墓

崔仁冀錢公  
碑銘東南福

地表裏仙崗牒稱著姓識述興王極天基大積石  
流長秦中鹿走浙右龍驤武祖敷興文考光啟國  
霸魯史家肥戴禮乃子乃孫宜兄宜弟磐石分封  
平臺立邸國之貴介才自天生蟾拱硯滴霞剪詩  
情爰居西邸是則東平為霖入用同氣分榮地曰  
勾章州名海岱乃輟牢盆言驅大旆六老之間百  
城之內民詠安堵史書課最復君敷愛裂地酬勲  
天王覃寵奉國名軍圭桐舊剪符玉新分如搆天  
柱如捧日雲擔著山河任魚將相水蕪政聲金騰  
德望適賴永藩忽悲中喪巫澹三階位虛五帳鄮  
山之下鄞水之濱今茲著兆擇得蒿鄰風旌飄瞥  
露挽酸辛為陵有日大夜無晨生理四明民享餘  
利歿定四明神資吉地有召芟兮興歌有羊碑  
兮墮淚公之德兮公之功百世可知於錫諡

宋大理評事樓郁墓 嘉靖寧波府志在龍潭山通

判端州軍事童大定墓亦在焉

傳詳儒林至正四明續志赤城羅公

適持節墓下種樹致祭而去表正肅公書墓道扁曰慶歷鄉先生正議樓公墓

宋金紫光祿大夫蔣浚明墓 成化四明郡志在三

嶺山中奉大夫蔣璿宣奉大夫蔣琬俱祔焉

奉化縣志

浚明字彥昭神宗時尚書金部員外郎屢贈至金紫光祿大夫以壽終

宋安撫使薛居實墓 舊浙江通志在貌頭山郎中

薛揚祖通判薛師魯州判薛闡祔

甬上者舊傳居實字去華知衡

州朋龜之子也歷官淮東安撫使直秘閣卒於揚州



宋徽猷閣直學士樓昇墓 嘉靖寧波府志在金鐘

山沿海制置使樓璩祔

傳詳武功

宋元祐鄉先生王弈墓 至正四明續志在桃花嶺

傳詳  
隱逸

宋李中墓 舊浙江通志在日嶺山

奉化縣志樓  
題其墓曰國子

鄉先生董  
庠撰墓誌

宋宣議舒卞墓 嘉靖寧波府志在石人村

奉化縣  
志子朝

議大夫舒散墓在縣  
東北十五里名山

宋進士趙敦臨墓 至正四明續志在南山承議黃

春撰墓誌

儒林傳詳

宋丞相諡文節魏杞墓 嘉靖寧波府志在溪口山

傳詳  
寓賢

宋監左藏庫張良臣墓 至正四明續志在白巖

傳詳

寓賢

宋宜州通守諡文靖舒璘墓 至正四明續志在公

棠

儒林傳詳

宋贈少師趙善湘墓 成化四明郡志在銅山節度

使馮湛墓亦在焉

宋團練使趙汝擢墓 嘉靖寧波府志在禽孝鄉倪

山

傳詳  
介節

宋奉議郎黃仁儉墓 奉化縣志在萬竹嶼察廉岡

宋進士王宗道墓 奉化縣志在松林鄉登山之原

宋魯國公余天錫墓 成化四明郡志在西圃山從

子尚書晦墓在黃泥山

宋進士舒瀛墓 奉化縣志在廣教舉駱山

傳詳忠臣

宋戶部郎官陳肖孫墓 嘉靖寧波府志在黃賢山

傳詳介節

宋進士戴表元墓 嘉靖寧波府志在張村

傳詳文苑

宋孝子袁鎮墓 嘉靖寧波府志在堂舉

傳詳孝友

元安定書院山長任士林墓 奉化縣志在松林鄉

雷公村

傳詳富賢

明拾遺戴德彝墓 奉化縣志在許家壩按拾遺死

靖難時與兄弟德禮德祐俱畢志聚寶門外時禁  
方嚴安得歸葬首邱則此墳乃其祖父非拾遺墓

也

傳詳  
忠臣

明兵部侍郎宋琰墓

嘉靖寧波府志在日嶺山

傳詳

名  
臣

明布政使應履平墓

奉化縣志在日嶺山

傳詳  
循吏

明御史項愨墓

奉化縣志在伏兔山

傳詳  
武功

鎮海縣

唐贈禮部尚書謚文懿虞世南墓 明一統志在蟹

浦鎮傳詳名臣

謹按延祐四明志云慈溪縣定水寺為世南故宅  
去寺里許有虞侍中大墓亡恙寺舊有世南遺像  
子孫多居鳴鶴元豐九域志亦云墓在鳴鶴查唐  
書本傳云世南出為叔陳中書侍郎虞寄之後卒  
陪葬昭陵子孫皆居長安則墓恐不應在此但明  
一統志及四明續志皆載有世南墓故仍府縣志

之舊以俟叅考

宋宗室叅議趙伯芑墓 嘉靖寧波府志在長山淨

居寺側

宋定海令謝宇墓 嘉靖定海縣志在東管鄉宋建

炎間為令值亂因家而葬焉至今呼謝家墳

宋贈直文淵閣諡端憲沈煥墓 寧波府志在崇邱

十里沈家山下 傳詳儒林

宋定海令盧萬墓 嘉靖寧波府志在白沙之孔浦

嘉靖定海縣志萬字維遠吳人紹定中為定海令卒於官民哀悼之葬於孔浦

宋運判趙善悉墓 葉夢得趙君墓誌在太邱鄉啟

霞山

宋習菴先生陳塤墓 嘉靖定海縣志在盤隩山

傳詳

名臣

明御史沃類墓 舊浙江通志在海晏鄉崔西壘

定海

縣志類字文淵領成化乙酉鄉薦明年登進士授監察御史

明兵部尚書諡恭敏薛三才墓 舊浙江通志在東

管鄉之漢塘

傳詳名臣

明贈太子太保諡文介薛三省墓 寧波府志在縣

西十里回向寺側

傳詳名臣



明都指揮劉鼎墓 舊浙江通志在候濤山夕照菴

側

象山縣

唐招討副使倪九疇墓 嘉靖寧波府志在梅溪烏

巖之陽

象山縣志九疇平陽人唐昭宗時官招討副使值亂航海抵象愛其山盤地迴遂卜

居焉夫人余氏葬墓之東岡

孔侯墓

時代未詳

至正四明續志在童翁浦侯姓孔行

七失其名即浦人也

吳越越州刺史黃晟墓 寧波府志初葬鄞之隱學

山乾化二年改葬邑東四十里常樂寺後

傳詳武功

宋進士俞夔墓

嘉靖寧波府志在厲家洋

象山縣志夔字

堯臣元豐進士終建德宰

宋侍郎楊王休墓

象山縣志在趙舉司側

傳詳循吏

宋尚書楊曄墓

嘉靖寧波府志在儒雅洋

宋吏部郎中劉俟墓 寧波府志在縣東十里鐵塲

舉

傳詳循吏

宋象山令韓元禮墓 嘉靖寧波府志在大巖下今

名大墓

傳詳  
寓賢

元贈奉訓大夫俞述祖墓 象山縣志在雞籠山

傳詳

忠  
臣

明千戶易紹宗墓 嘉靖寧波府志在玉泉山

傳詳  
忠臣

明刑部尚書錢唐墓 嘉靖寧波府志在白石王峯

山下

傳詳  
儒林

明主事應宗義墓 象山縣志在西周官山外

明員外史惟時墓 象山縣志在縣西十里

明御史王渙墓 寧波府志在縣西十里蔡家畝山

傳詳  
名臣

明郎中應雲鷺墓

府志闕  
作鷺

山 傳詳  
文苑

### 定海縣

宋郭維墓 定海縣志在西湖之原 傳詳  
寓賢

宋太常少卿孫枝墓 定海縣志在城北小溪上 傳詳

儒  
林

宋叅知政事應傑墓 定海縣志在城西浦東

傳詳文苑

宋陶椿卿墓 定海縣志在平巖嶺西椿卿字均壽

回孫之子宋末以禮經魁癸酉鄉試覆試又拔置

第一延祐七年卒于家本州同知干文博銘其墓

明狀元張信墓 嘉靖寧波府志在翁州

定海縣志在城東北

三里淡水坑之原

明知縣韓鼎墓 定海縣志在西臯嶺鼎字廷器士


子發解授句容縣正統戊辰辰督餉過勞卒於龍潭

驛

明傅烈女墓

定海縣志在石牆墼

傳詳列女



浙江通志卷二百三十七